



# UTOQQALINERSIAT IKIORSIISSUTAAPPUT

- 2018

NAALAKKERSUISUT  
GOVERNMENT OF GREENLAND



## 1. Aallaqqaasiut

Utoqqalinersiat ikiorsiissutaapput, 66-inik ukioqalereeruit qinnutigisinnaasatit. Utoqqalinersianut malittarisassat nutaat ulloq 1. januar 2016 atuutilerput. Utoqqalinersianut malittarisassat nutaat pillugit qppersakkami uani paasisaqarnerusinnaavutit.

Malittarisassani nutaani ilaatigut siunertarineqarpoq, utoqqalinissamut katerisinnaanissaq kajuminnarnerulissasoq aamma utoqqalinersiallit pisinnaasut piumasullu suliffeqaannarusuttut – immaq piffissami sivikinnerusumi – pitsaanerusunik atugassaqartinneqarnissaat. Allannguulli pingaarneq tassaavoq, utoqqalinersiat tunngaviusumik utoqqalinersianut aamma utoqqalinersianut tapinut avinneqarnissaat. Tunngaviusumik utoqqalinersiat annertussusissaannut illit isertitatit taamaallaat apeqqutaatinneqartarput, utoqqalinersianulli tapit annertussusissaannut illit aapparisaavillu / inooqatigisavillu isertitaat apeqqutaatinneqartarput.

Malittarisassat massakkut utoqqalinersiaqartunut tamanut innuttaasunullu utoqqalinersianik qinnuteqartunut atuupput.



## **2. Qanoq ilillunga utoqqalinersianik qinnuteqarsinnaavunga?**

Utoqqalinersianik qinnuteqarusukkuut kommunimut saaffiginnissinnaavutit. Tassunga atatillugu utoqqalinersiaqalernissamut piunasaqaatit aalajangersimasut arlallit tamatigut naammassineqarsimasussat eqqumaffiginissaat pingaaruteqarpoq.

Utoqqalinersiaqareersimaguit utoqqalinersiaqalernissamut nutaamik qinnuteqassanngilatit.

Utoqqalinersiaqalernissannik qinnuteqarniaruit qinnuteqarnissamut immersugassiaq immersorneqassaaq. Taanna najukkanni kommunip allaffiani pissarsiarisinnaavat.

NemID-mik peqaruit aamma Sullissivik.gl aqquutigalugu qarasaasiatigut immi-nut sullissinnaavutit. NemID netbankimut atortakkat atorsinnaavat.

Eqqaamassavat, siusinaartumik utoqqalinersiaqartuunngikkuit namineerlutit utoqqalinersianik qinnuteqartussaagavit.

Piffissaagallartillugu qinnuteqarnissat inassutigineqarpoq.

### **2.1 Piunasaqaatit aalajangersimasut**

Utoqqalinersiaqalerniaruit 1. januar 2017-imiit 66-inik ukioqalersimasuussaatit aamma 1. januar 2021-miit 67-inik ukioqalersimasuussallutit.

Taamaattoq kommunalbestyrelse qinnuteqaateqareernerup kingornatigut aalajangiisnaavoq utoqqalinersiaqalernermik ukiorititaasut aatsaat 1. januar 2021-mi 66-inik ukioqalernermut qaffanneqassasut inuk minnerpaamik ukiuni 35-ni suleralunnerup kinguneranik timimigut tarnimigulluunniit nungullarsimappat.

Tamatuma saniatigut danskisut innuttaassuseqassaatit Kalaallilu Nunaannilu najugaqartuullutit.

### 3. Utoqqalinersiat annertussusaat

Utoqqalinersiat tunngaviusumik utoqqalinersiutaapput aamma utoqqalinersianut tapiullutik. Tamatuma saniatigut immikkut ittumik pisoqartillugu tapiasaasinnaasunut arlalinnut periarfissaqarpoq.

Tunngaviusumik utoqqalinersiat utoqqalinersialinnut tamanut assigiipput, utoqqalinersianulli tapinut akigititaq assigiinngiaarsinnaavoq aappaqarnersutit/ inooqateqarnersutit imaluunniit kisimiittuunersutit apeqqutaatinneqarluni.

Aamattaq utoqqalinersiat annertussusaannut apeqqutaavoq utoqqalinersiat saniatigut nammineq qanoq annertutigisumik isertitaqartarnersutit aamma illit utoqqalinersiavit saniatigut aapparisat/ inooqatigisat qanoq annertutigisumik isertitaqartarnersoq.

#### 3.1 Utoqqalinersianut akigititat

Utoqqalinersianut akigititat tullinnguuttut 1. Januar 2018-imiit atuupput.

- Tamanut tunngaviusumik utoqqalinersiat tassaapput ukiumut 61.201 kr.-init tikillugit
- Utoqqalinersianut tapit kisermaamut tassaapput ukiumut 75.915 kr.-it
- Utoqqalinersianut tapit utoqqalinersialimmut utoqqalinersiaqanngitsumik aappalimmut/ inooqatilimmut ukiumut 75.915 kr.-init tikillugit, aappariit maannakkorpiaq isertitaat katillugit 200.000 kr.-it ataassimappatigit.
- Utoqqalinersianut tapit utoqqalinersialinnut aappalinnut/ inooqatilinnut ukiumut 42.198 kr.-it tikillugit annertussuseqarput.



Utoqqalinersiat ima ineriartortinneqartarput:



*\*Malugiuk, aappariinnut 200.000 kr-t ataallugit isertitalinnut "qorsummiittunik" ta-  
pinik pisartagaqalissaguit aapparisaat utoqqalinersiategassanngilaq imalunniit siusi-  
naartumik pensionisiagassanngilaq.*

### **3.2 "Aapparisaq/ inooqatigisaq" qanoq paasineqassava?**

Aapparisaq/ inooqatigisaq ima paasineqassaaq taanna tassaasoq inuk katissi-  
mallugu aapparisaat, nalunaarsukkamik aapparisaat imalunniit katissimaner-  
mut assingusumik inooqatigisaat. Aappariittut naatsorsuutigineqassappat aappa-  
riinneq sivikinnerpaamik ukiumik 1-imik sivisussuseqarsimassaaq.

### 3.3 Suut “isertitatut” isigineqassappat?

Isertitatut pineqarput illit aapparisaavillu/inooqatigisavillu *“maannakkorpiaq isertitassi katinneqarnerat”*. Maannakkorpiaq isertitat aamma isertitat akileraarutaasussat assigiingitsuupput, tassami isertitat akileraarutaasussat assigiingitsut maannakkorpiaq isertitatut isigineqarnek ajorput.

Maannakkorpiaq isertitat aallaaviatigut tassaasarput illit aapparisaavillu qaammatini kingullerni 12-ni A-tut aamma B-tut isertitassi katinneqarnerat. Assersuutigalugu akissarsiaasinnaapput imaluunniit nammineq utoqqalinissamut ileqqaakkat. Ataani titartakkami takusinnaavat isertitat suut ilaanersut aamma suut ilaannginersut.

“Maannakkorpiaq isertitanut” ilaapput	“Maannakkorpiaq isertitanut” ilaanngillat
<ul style="list-style-type: none"><li>• Isertitat A-t<ul style="list-style-type: none"><li>• Akissarsiat</li><li>• Ilinniagaqarnersiutit</li><li>• Namminerisamit utoqqalinersiat</li></ul></li><li>• Isertitat B-t<ul style="list-style-type: none"><li>• Ernianit isertitat</li><li>• Pappiaqqat nalillit qularnaveeq-qusiinermullu allagartaq</li><li>• Akissariat</li><li>• Nammineq suliffeqarfiutigisamit sinneqartoorutit</li><li>• Tunisat</li><li>• Atorfininnermi ajunngitsorsiat</li></ul></li></ul>	<ul style="list-style-type: none"><li>• Isertitat A-t<ul style="list-style-type: none"><li>• Utoqqalinersiat*</li><li>• Siusinaartumik utoqqalinersiat</li><li>• Nunat Avannarliit isumaqatigiissutaat naapertorlugu utoqqalinersiat</li></ul></li><li>• Isertitat B-t<ul style="list-style-type: none"><li>• Paaqqinninersiutisiat</li><li>• Pinartoqartillugu paaqqinninersiutisiat</li><li>• Meeqqanik oqilisaassilluni paaqqinninersiutisiat</li></ul></li></ul> <p>Isertitat akileraarutigineqartussaangitsut (assersuutigalugu ineqarnermut tapeq)</p>

*Aalajangersimasumik ilanngaata:* Innuttaasut tamarmik aalajangersimasumik 10.000 kr.-inik ilanngaateqartarput, taanna utoqqalinersiutinut atatillugu atorneqarsinnaavoq. Tamanna ima isumaqarpoq, illit aapparisaavillu/inooqatigisavillu A-tut aamma B-tut isertitassinni 10.000 kr.-init siullit maannakkorpiaq isertitassinni ilaatinneqassangitsut.

\* Malugiuk, aapparisaavit/inooqatigisavit pensionisiaata naatsorsorneqarnissaanut utoqqalinersiat maannakkut isertitanut ilaatinneqanngikkaluartut, taamaattoq utoqqalinersiatit tapisiat allat, assersuutigalugu ineqarnermut tapit, naatsorsorneqarnissaannut ilaatinneqartarmata.

*Paaqqinninersiutisiat:* Meeqqamik paarsinissaq aamma angajoqqaarsianngornissaq pillugu kommunimik isumaqateqarnissamut periarfissaqarpoq. Angajoqqaarsiat paaqqinninersiutinik tunineqartarput, taakku 1. septembari 2017-imiit maannakkorpiaq isertitanut ilaatinneqassanngillat.

Utoqqalinersiat pillugit qinnuteqaruit kommune suleqatigalugu maannakkorpiaq isertitassat naatsorsuusiorneqassapput, tassami utoqqalinersiuteqaleruit isertitatit allannguuteqartussaapput.

### **3.4 Isertitatit allanngorpata qanoq pisoqassava?**

Illit imaluunniit aapparizat/inooqatigisat utoqqalinersiavit saniatigut isertitaqartaruit tassanngaannartumik allannguuteqartunik assersuutigalugu piffissap ilaannaani sulisaleruit imaluunniit sulisarunnaaruit imaluunniit aapparizat/inooqatigisat paaqqinnittarfimmut nuuppat, taava tamanna utoqqalinersiutinut sunnuteqassaaq.

Maannakkorpiaq isertitatit malunnaatilimmik allannguuteqarpata pisussaaffeqarputit kommunit tamatumingga ilisimatissallugu aamma maannakkorpiaq siunissamilu isertitavit allannguutai uppersaasissallugit. Assersuutigalugu akissarsiat allagartaat, tunisinermit uppersaasatit imaluunniit isumaqatigiisummik atorunnaarsitsineq uppersaasatit atorneqarsinnaapput. Tamatuma kingorna utoqqalinersiatit kommunimit naatsorsuiffigeqqinneqassapput, taamaasilluni inissisimaffiit piviusoq aallaavigineqassaaq. Taamaattumik ilaatigut oqartoqartarpoq "maannakkorpiaq isertitat".

Tamanna ima isumaqarpoq, assersuutigalugu piffissap ilaannaani suliffiit anaasimagukku utoqqalinersianut tapinik qaffasinnerusunik sukkanerusumik tunineqarsinnaagavit.



### 3.5 Utoqqalinersianik milliartortitsineq

Tunggaviusumik utoqqalinersianik aamma utoqqalinersianut tapit pisartagaqarnissamut akuerineqarsimagaluaruilluunniit tamakkiisumik utoqqalinersianik pisartagaqarnissat qularnaarneqanngilaq. Tassami utoqqalinersiat aningaasartai appartinneqartarput illit imaluunniit aapparisavit/inooqatigisavit maannakorpiaq isertitavit killissaq aalajangersimasoq qaangersimappassuk.

*Milliartortitsineq:* Illit aamma aapparisat/inooqatigisat killissaq qaangerlugu akissarsiatit koruunit tamarmik, utoqqalinersiavit aningaasartaanik ikinnerulersitsissapput. Tamanna taaneqartarpoq milliartortitsineq.

Milliartortitsinerup aallartiffia

- Tunggaviusumik utoqqalinersianut 224.699 kr.-iupput. Aningaasat taakku qaangerlugit akissarsiaqaruit, akissarsiatit killiliussap qaangiutaanik tunggaviusumik utoqqalinersiat koruunikkaarlugit 50 oorimik appassapput. Tunggaviusumik utoqqalinersiat piivinnekassapput, 347.100 kr.-inik imaluunniit amerlanerusunik akissarsiaqartaruit. Uani aapparisavit/inooqatigisavit isertitai ilaatinnekannigillat.
- Utoqqalinersiutilimmut utoqqalinersiuteqanngitsumik aappalimmut/inooqatilimmut utoqqalinersianut tapit 83.000 kr.-iupput. Aappariit isertitaat katillugit 200.000 kr.-init ataassimassavaat.





Aningaasat taakku qaangerlugit akissarsiaqarussi illit aamma aapparisaat/ inooqatigisat akissarsianut killiliussap qaangiutaanik tunngaviusumik utoqqalinersiat koruunikkaarlugit 53 oorimik appassapput. Utoqqalinersianut tapit piivinneqassapput, illit aamma aapparisaat/ inooqatigisat 200.000 kr.-inik imaluunniit amerlanerusunik akissarsiaqartaruit/ssi. Tamatuma kingunerisinnaavaa utoqqalinersianut tapit allat tapisiarisalersinnaagakkit.

- Utoqqalinersiutilimmut aappalimmut/ inooqatilimmut katillugit 200.000 kr.-init sinnerlugit isertitalimmut utoqqalinersianut tapit 83.000 kr.-iupput. Aningaasat taakku qaangerlugit akissarsiaqarussi illit aamma aapparisaat/ inooqatigisat akissarsianut killiliussap qaangiutaanik tunngaviusumik utoqqalinersiat koruunikkaarlugit 30 oorimik appassapput. Utoqqalinersianut tapit piivinneqassapput, illit aamma aapparisaat/ inooqatigisat 223.659 kr.-inik imaluunniit amerlanerusunik akissarsiaqartaruit.
- Kisermaanut tapeqartitsiffiusumik utoqqalinersianut 56.000 kr. Aningaasat taakku qaangerlugit akissarsiaqaruit illit akissarsianut killiliussap qaangiutaanik tunngaviusumik utoqqalinersiatit koruunikkaarlugit 45 oorimik appassapput. Tapeqartitsiffiusumik utoqqalinersiat piivinneqassapput, 224.699 kr.-inik imaluunniit amerlanerusunik akissarsiaqartaruit.



## 3.6 Utoqqalinersianik akileraarusiisarneq

*Akileraarusiisarneq:* Utoqqalinersiat akileraarutaasussaapput, tamatuma kingunerisaanik utoqqalinersianik akileraartoqartartussaavoq, soorlu assersuutigalugu akissarsiat taamaaliorneqartartut.

*Inummut ilanngaat aamma Aalajangersimasumik ilanngaat:* 48.000 kr.-inik inummut ilanngaateqaatigalutit aamma 10.000 kr.-inik aalajangersimasumik ilanngaateqarputit, taakku utoqqalinersiannut atatillugu atorsinnaavatit. Inummut ilanngaat aamma aalajangersimasumik ilanngaat iluaqutigalugit utoqqalinersianni 58.000 kr.-init siulliit akileraaruteqarfigissanngilatit.

## 4. Tapit

Utoqqalinersiallit tapinik arlalinnik pissarsisinnaapput assersuutigalugu meeqqamut pilersuisussaataaagunik, innarluuteqartuugunik imaluunniit aningaasatigut annertuumik ajornartorsiuteqarunik.

### 4.1 Meeqqanut tapeq

Utoqqalinersiaqartuuguit meeqqamullu 18-ini inorlugit ukiulimmut pilersuisussaataaallutit meeqqanut tapinik tunineqarsinnaavutit. Piumasaqaataavoq, meeraq ilinni najugaqassasoq aamma illit aalajangersimasumik Kalaallit Nunaanni najugaqartuussasutit.

Meeqqanut tapeq qaammammut 1.000 kr.-iuvoq.

Meeqqanut tapeq peerneqassaaq

- Meeraq tamakkiisumik pisortanit pilersorneqarpat
- Meeraq ilinniagaqarnersiuteqarpat imaluunniit suliffimmik misillinermini tapisiaqarpat
- Meeraq nammineq aapparisaminut/ inooqatigisaminut imaluunniit nammineq meeqqaminut pilersuisussaataappat.

## 4.2 Tapit allat

Utoqqalinersiallit ilaannut innarluuteqarnermut peqqissutsimullu tapeqartitsinissamut, aningaasanut nammineq atorsinnaasanut imaluunniit aningaasatigut tapeqartitsinissamut periarfissaqarpoq.

Tapinut tamanut ataatsimoorfiusoq tassaavoq, utoqqalinersiuteqartuussagavit aalajangersimasumillu Kalaallit Nunaanni najugaqartuullutit. Kommunit attavigiuk ersarinnerusumik paasinarlugu, tapit aamma akigitat sorliit pisartagari-sinnaanerlugit.

*Innarluuteqarnermut peqqissutsimullu tapit:* Tunniunneqarsinnaapput, timikkut imaluunniit tarnikkut annertuumik innarluuteqartuuguit

*Aningaasanut nammineq atorsinnaasanut tapit:* Tunniunneqarsinnaapput, kommune naliliippat akileraarutip ilanngaatillu kingorna aningaasat sinnerisatit isumatuumik inuuginnarniarnissamut appasippallaartut. Tamanna assersuutigalugu tassaasinnaavoq, ineqarnermut akiliutissat imaluunniit innaallagissamut akiligassat akissaqartinngikkukku.

*Aningaasatigut tapeq:* Utoqqalinersiutilinnut immikkut aningaasatigut ajornartorsiutilinnut aningaasanik ataasiartumik tunniussisoqarsinnaavoq. Tapeq taanna aningaasartuutinik pingaarnernik matussusiinnermut taamaallaat tapiisutaavoq, assersuutigalugu piffissap ilaani nerisassanut aningaasaateqanngikuit, imaluunniit kissarsuutivit uuliatortup ajoquteqalersimanera pissutigalugu iluarsaanneqartariaqarsimappat.



## 5. Danmarkimi utoqqalinersiat

Utoqqalinersiuteqartuuguit Danmarkimullu nuullutit utoqqalinersiatit nassar-sinnaangilatit. Allatut oqaatigalugu Danmarkimut nuukkuit utoqqalinersiatit qaammatip naanerani unitsinneqassapput.

Kisiannili Danmarkimi utoqqalinersianik qinnuteqarsinnaavutit. Taanna Danmarkimut piniariarlutit qinnutigissavat, piumasaqaataasut naammassisinnaagukkit.

Utoqqalinersianik taamaallaat qinnuteqarsinnaavutit, Danmarkimi najugaqartuuguit. Taamaattumik nuunnerpit oqartussanut nalunaarutiginnissaa eqqaamassavat.

## 6. Naammagittaalliuuteqartoqarsinnaavoq

Kommunip aalajangiinera isumaqataaffigineqanngippat, Isumaginninnermi Naammagittaalliuuteqartarfimmu naammagittaalliornissamut periarfissaqarpoq. Sullissivik.gl-imi naammagittaalliornissamut immersugassiaq atorlugu imaluunniit najukkanni kommunip allaffiani naammagittaalliuuteqarsinnaavutit. Taamaanngippat Isumaginninnermi Naammagittaalliuuteqartarfik allakkatigut, oqarasuaatikkut imaluunniit najukkamut ataani allaqqasumut saaffiginnillutit attaveqarsinnaavutit:

### **Isumaginninnermi Naammagittaalliuuteqartarfik**

Imaneq 29 1. sal

Postboks 689

3900 Nuuk

Tlf: +299 32 80 33

Email: maalaarut@nanoq.gl